



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

აბაშვილი გიორგი სიმონის ძე



აბაშვილი გიორგი

აბაშვილი გიორგი სიმონის ძე (8. I. 1910, თბილისი, – 26. IX. 1982, ლენინგრადი), ვიცე-ადმირალი (1954), სამხ.-საზღვაო მეცნიერებათა კანდიდატი (1964). დაამთავრა ლენინგრ. სამხ.-საზღვ. სასწავლებელი (1931), სამხ.-საზღვაო აკადემიასთან არსებული უმაღლესი კურსები (1949). ვახტის შტურმანად მსახურობდა ბალტიის ფლოტის საესკადრო ნაღმოსნებზე „ვოლოდარსკი“ (1931-32), „ლენინი“ (1932-34). იყო ტორპედოიანი კატარლა „პურგას“ (1936), საესკადრო ნაღმოსნის (1938), საესკადრო ნაღმოსნების დივიზიონის (1939) და კრეისერ „მაქსიმ გორკის“ (1944) მეთაური. სსრკ-ფინეთის (1939-40) და II მსოფლ. (1939-45) ომების აქტ. მონაწილე. თავი გამოიჩინა ლენინგრ. ბლოკადის გარღვევისათვის (1943) ბრძოლებში.

მონაწილეობდა ტალინის, კრონშტადტის, ლენინგრ. დაცვაში. იყო ბალტიის ფლოტის ესკადრის სარდალი (1949), ტალინის სამხ.-საზღვ. ბაზის მეთაური (1950). ბალტიის ფლოტის სარდლის პირველი მოადგილე (1954). მუშაობდა კუბაში (1960-62). 1963-იდან ეწეოდა პედ. მოღვაწეობას სსრ კავშირის სამხ.-საზღვ. ფლოტის სისტემაში. 1971-იდან თადარიგში გავიდა. ა. რამდენიმე სახელმძღვანელოს ავტორია.

დაჯილდოებულია ორდენებითა და მედლებით.

ლ. დოლიძე